

Protocol no. 42Sezzüda da gövgia, 1. november 2012, 09.00 – 12.00

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann, Angelo Andina e Marco Fallet (protocol)

Ils protocols nr. 38, 39, 40 e 41 vegnan approvats, quai davo chi sun gnüts fats alchüns adattamaints.

**332 012 EXECUTIVA**  
**Bivgnaint nouv chanzlist Marco Fallet**

Il capo spordsch'il bivgnaint al nouv chanzlist, Marco Fallet e til giavüscha tuot il bun per sia nouva piazza. El sperescha sün buna collavuraziun e til orientescha sur da sias aspettativas regard collavuraziun, fiduzcha e trasparenza.

Marco Fallet ingrazcha pella fiduzcha demuossada dal Cussagl invers sia persuna e declera da vulair s'ingaschar tenor plain savair e pudair. In quist connex dumond'el scha'l Cussagl accpet'il fat da sia commembranza sco commember dal tribunal districutal En (vicepresident). Il Cussagl va d'accord cun quai ed es da l'avis cha quai pudess dafatt'esser ün avantag pel cumün.

**333 012 EXECUTIVA**  
**Cumgià da l'actuar ad hoc, Angelo Andina**

Il capo ingrazcha cordialmaing ad Angelo Andina per seis grond e premurus ingaschamaint d'ürant ils ultims trais mais. Il Cussagl ha adüna pudü quintar cun ün sustegn da gronda cumpetenzza e la prontezza d'avair surtut be a cuorta vista quella lezcha.

Angelo Andina ingrazcha pella fiduzcha e pel gnir incunter cun til spordscher las premissas necessarias per accumplir l'uffizi.

**335 021 FABRICA**  
**Dumonda da fabrica da Conrad Peer, parcella nr. 125**

Thomas Hugentobler inoltrescha in incumbensa da Conrad Peer ün plan areguard il reütilisar il palantschin sco spazzi d'abitar implü. Il cussagl conced'il permiss.

Taxa da fabrica: fr. 50.00

**339 070.314 Mantegnimaint da stabels d'administraziun**  
**Revisiun da l'accumulatur dal s-chodamaint**

L'electra Buin ha inoltrà ün'offerta pella revisiun da l'accumulatur dal s-chodamaint sur d'ün import da fr. 3'230.15. Il cussagl decida da realisar quistas lavuors subit ed approvescha il credit a charg dal quint 2012.

l'actuar: